



Na osnovu čl. 25. i 69. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04) i člana 6. Pravilnika o određivanju kriterija za dodjeljivanje nagrada sportskim udruženjima sa područja općine Centar Sarajevo za ostvarene vrhunske sportske rezultate („Službene novine Kantona Sarajevo“ broj 8/24 i 10/25), Općinski načelnik objavljuje

JAVNI POZIV

za dodjelu nagrada sportskim udruženjima sa područja općine Centar Sarajevo za ostvarene vrhunske sportske rezultate

1. CILJ JAVNOG POZIVA

Cilj ovog Javnog poziva je dodjela nagrada sportskim udruženjima za ostvarene rezultate na domaćim i međunarodnim sportskim takmičenjima.

Sredstva koja se dodjeljuju po ovom Javno pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

Ukupan iznos sredstava planiranih za ovu namjenu u Budžetu za 2025. godinu iznosi KM 50.000

2. PRAVO NA DODJELU NAGRADA MOGU OSTVARITI:

- sportski klubovi;
- sportska društva;
- sportski klubovi osoba sa invaliditetom i
- sportska društva osoba sa invaliditetom,

koji imaju sjedište u Općini Centar Sarajevo u trajanju od najmanje tri godine.

3. NAČIN DODJELE NOVČANIH SREDSTAVA

Novčana sredstva za nagrađivanje sportskih udruženja sa područja općine Centar Sarajevo za postignute vrhunske sportske rezultate, dodijelit će se za rezultat ostvaren u prethodnoj takmičarskoj sezoni, za pojedinačne i ekipne rezultate;

- za osvojeno prvo, drugo i treće mjesto na Državnom takmičenju,
- za osvojeno prvo, drugo i treće mjesto na Regionalnom/Međunarodnom takmičenju u kojem učestvuje šest i više ekipa iz četiri i više država.
- za osvojeno prvo, drugo i treće mjesto na Mediteranskim igrama,
- za osvojena mjesta od prvog do osmog na Evropskom takmičenju,
- za osvojena mjesta od prvog do osmog na Svjetskom takmičenju,
- za osvojena mjesta od prvog do osmog na EYOF-u i Olimpijskim igrama,

- za osvojeno prvo, drugo i treće mjesto predstavnika sportskog udruženja u okviru državne reprezentacije.

Nagrađivanje pojedinačnih i ekipnih rezultata se jednako odnosi i na para sportove.

Pravo na nagradu sportska udruženja mogu ostvariti jednom u toku kalendarske godine.

Visina novčane nagrade utvrđena je Pravilnikom na osnovu nivoa takmičenja i ostvarenog rezultata na istom.

Ukoliko jedno udruženje ostvari više rezultata na različitim nivoima, visina novčane nagrade će se utvrditi na osnovu jednog rezultata, i to onog koji je najpovoljniji za aplikanta.

4. POTREBNA DOKUMENTACIJA

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije) :

- a) Izvod iz upisa u registar – ne starije od šest (6) mjeseci od dana objave Javnog poziva;
- b) Uvjerenje o izmirenim poreskim obavezama (original ili ovjerena kopija);
- c) Potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave Javnog poziva (original ili ovjerene kopije);
- d) Dokaz ili potvrdu o ostvarenim rezultatima na državnom, regionalnom, evropskom, svjetskom takmičenju, olimpijskim igrama i EYOF-u u prethodnoj takmičarskoj sezoni, izdate od strukovnog sportskog saveza u Bosni i Hercegovini.
- e) Izjavu kojom se potvrđuje sjedište udruženja na području općine Centar u trajanju od minimalno tri godine.

5. NAČIN DODJELE NOVČANIH SREDSTAVA

Pristigle zahtjeve će razmatrati Služba za obrazovanje, društvene djelatnosti, kulturu i sport. Na osnovu obrađenog materijala Služba donosi i objavljuje preliminarnu rang listu nagrađenih sportskih udruženja za ostvarene rezultate na domaćim i međunarodnim sportskim takmičenjima.

Preliminarna rang lista objavljuje se na oglasnoj ploči i web stranici Općine Centar Sarajevo. Podnositelji prijave imaju mogućnost prigovora na Preliminarnu listu u roku od 8 dana od dana objavljivanja iste. Konačnu odluku, a nakon provedenog postupka prigovora donosi općinski načelnik.

Novčana sredstva dodjeljivat će se na način da će sportsko udruženje zaključiti Ugovor sa Općinom Centar Sarajevo po osnovu kojeg će ostvariti pravo na isplatu sredstva do kraja tekuće godine. Sredstva će se isplaćivati jednokratno.

6. NAČIN I ROK PRIJAVE

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport elektronskim putem, preporučeno putem pošte ili putem protokola Općine Centar Sarajevo, ulica Mis Irbina br. 1.

Javni poziv se objavljuje na web stranici Općine i ostaje otvoren 30 dana od dana objavljivanja.

Za sve dodatne informacije zainteresovana lica mogu pozvati broj telefona 033/562-384 ili putem email-a sport@centar.ba .

OPĆINSKI NAČELNIK

Srđan Mandić